

DISSERTATIO IVRIDICA,
DE
NOMINIBVS CESSIS,



GERMANIS:

Von allen rechtlichen Fällen, so bey Abtret- Anweis-
und Annehmung der Schulden oder Güter, statt Be-
zahlung, zu entstehen pflegen.




QVAM
SVB PRAESIDIO
DN. PETRI THEODORICI,

ICTI CELEBERRIMI,
ET IN ACADEMIA IENENSI PROFESSORIS PVBLICI
FAMIGERATISSIMI,

ERVITORVM EXAMINI SVBIEGIT
CHRISTIANVS LENTIVS,

DRESDENSIS.

DIE XXI. AVG. CIO 15 C XIX.



I E N A E,
REC. LITTERIS IO. BERNH. HELLEKI, 1750.





I. N. D. N. I. C.

THES. I.



CESSIO, QVAE VOX
EST *πολύσημα*, dicta est à
verbo CEDERE.

Evolvendum est ante omnia
Cessionis vocabulum. Usu e-
nim vocis cognitio, sæpe in ipsius rei perceptio-
nem provehinur, Scal. *exerc. 1. pr.* Accipitur au-
tem i. pro cessione bonorum, cum debitores qui
suo vel fortunæ vitio decoxerunt, & sic amplius
non sunt solvendo, aut ad infamiam, quæ ex ven-
dicatione in bonorum possessionem missionem se-
cuta, irrogatur, evitandam; aut ne in carcerem
detrudi possint, bonis suis cedunt, de qua *I. I. D.*

A 2

de

de cessione bonorum. & C. qui bonorum cedendo possit. Nov. 135. 2. Pro legatorum nondum perceptorum ad heredes transmissione, de qua *tit. D. quando dies legatorum ubi Cujac. Theoph. Inst. de legat.* 3. Usurpatur pro juris alicujus translatione, ut in *l. 76. de solut. l. 22. & seq. C. mand. & simil.* 4. Pro actu, quo venditor rerum soli venditarum dominio & possessione coram iudice emptori cedere oporteat, quem vocamus *die Auflassung.* *Vand. lib. 1. art. 8. & ibi Zobel. lit. B. & C. Heig. 1. q. 6. num. 35.* De aliis hujus vocabuli significatibus, ut & verbi *cedere*, quod variae aequae est significationis, videantur Lexicographi.

II. Hic Cessio accipitur pro juris alicujus translatione. Et describitur: quod sit translatio juris alicujus contra aliquem competentis.

In tertia igitur significatione *th. preced.* hoc in loco utemur vocabulo Cessionis, quae alias concessio dicitur in *l. 16. de pecul. item Praestatio. l. 3. pro soc. l. 82. §. 5. de leg. 1.* Generis loco ponimus translationem *l. 11. C. de fidejuss.* quae est, quando de uno ad alium quicquam transfertur. Sic trans-

translatio legati est, cum ab uno ad alium legatum transfertur, §. 1. *Instit. de ademt. leg. Et t. t. D. eod.* item translatio iudicii seu litis, cum ab uno susceptum iudicium in alium transfertur, *l. 25. l. 27. de procur. l. 17. §. 14. de injur.* Dicimus autem quod sit translatio juris. Nam cessio non est rerum corporalium quæ tradi proprie dicuntur, sed incorporalium, quæ traditionem non recipiunt. *l. 43. §. 1. de A. R. D.* Imo nominum seu actionum nec quædam quasi traditio est fingenda, arg. *l. 3. pr. junct. l. 1. preced. pro soc.* ubi Gothofr. (mihi) *lit. S.* Reliqua descriptionis verba differentiam designant, cujusnam juris sit translatio, nempe contra aliquem competentis. Non enim omnis juris translatio statim est cessio, sed ejus quod contra aliquem competit, deque quo ~~alium~~ possumus convenire, i. e. nominum & actionum, uti haud obscure innuit. *d. l. 22. Et seq. C. mand.* Succedere indistincte quævis jura nequimus, sed quæ nobis competunt, cedere enim non possumus, quæ non habemus, cum cessio semper arguat acquisitionem cedentis præcedentem. *Alciat. lib. 9. resp. 63. num. 9.*

III. Unde constat plurimum differre hanc nominum cessionem à cessione bonorum.

Hæc cessio puta bonorum, omnium est rerum, corporalium & incorporalium, soli & mobilium, quæ omnia bonorum veniunt appellatione *l. 49. de V. S.* & ibi Gæd. illa vero duntaxat incorporalium. Hæc etsi non est è numero causarum, ex quibus infamia quis notatur, *l. 11. C. ex quib. caus. infam.* est tamen quodammodo ignominiola, & gravat opinionem bonis cedentis apud honestos viros, *Nov. 135.* & ibi Cujac. illa nullam prorsus importat ignominiam, omnique pudoris suggillatione caret. Cessione bonorum à debitoribus facta, non licet creditoribus jus domini rei debitoris occupare ac detinere, sed vendere coguntur, & ita indemnitati suæ ex pretio quatenus possunt consulere debent, *l. 4. C. qui bon. ced. poss. Rittrishi. p. 2. M. Nov. E. cap. 3. n. 18.* quod secus in nominum cessione. Cessionem bonorum Jus Saxon. non agnoscit Coler. *de proc. exec. p. 1. c. 9. n. 29.* cessionem nominum utique, sicut patet ex Edicto de cessionibus nominum & obligationum ab Elect. Sax. promulgato 1. d. Febr. ann. 1614.

IV.A

IV. A Traditione.

Traditio est rerum corporalium, mobilium & soli §. 40. *Inst. de R. D.* cessio juris seu rerum incorporalium. In traditione requiritur, ut fiat possessionis translatio, traditio quippe cum sit translatio possessionis, Rittersh. *ad d. §. 40.* secus in cessione. Nam incorporalia sicuti traditionem non recipiunt, *d. l. 43. de A. R. D.* ita nec possessionem. *l. 3. de A. vel A. P.* Per traditionem tradens transfert omne sibi competens jus *l. 20. de A. R. D.* cessio transfert aliquid & retinet aliquid : transfert actionem utilem in cessionarium, *l. 2. C. de O. & A. l. 5. l. 7. C. de her. vel act.* retinet actionem directam. *l. 4. C. quæ res pign. obl. Sich. in l. 3. C. de novat. n. 3.*

V. Item à Novatione.

In hac prioris debiti in aliam obligationem fit transfusio & translatio, h. e. ex præcedente causa ita nova constituitur, ut prior perimatur *l. 1. de novat.* non vero in cessione, arg. *d. l. 4. C. quæ res pign.* Novatio fieri potest manente eadem persona, quæ antea obligata fuerat : cessio non nisi interventu novæ. Novatio fit stipulatione *l. 2. l. 29. de novat. l. ult. C. cod. Don. 16. Com. 20. Goed. de C. S. c.*

C. S. c. 5. num. 90. & seqq. hodie tamen stipulatione sublata fit etiam nudo pacto, *Wel. consf. 31. num. 11.* Giph. *ad d. l. 3. C. de novat.* at in cessione nulla requiritur stipulatio, sed nuda sufficit voluntas & consensus. *Donell. 15. Com. 43.* Illa expresse est facienda *l. fin. C. de novat.* hæc tacite quoque fieri potest.

VI. Delegatione.

Hæc fit stipulatione *l. 11. de novat.* quam non requiri in cessione diximus *th. præc.* Illa non fit nisi sciente & consentiente debitore *l. 1. & 6. C. eod.* ista ignorante etiam vel invito *l. 1. ubi Giph. C. d. l.* Illa legitime perfecta non potest revocari: hæc potest, *l. 4. C. quæ res pign.* Giph. *ad d. l. 3. C. de novat.* & ibi Cujac. *impar.* In delegatione semper est novatio: sed non in cessione. In illa, priori extincta obligatione, omne jus in creditorem transfertur, nihilque retinetur: in hac utilis saltem directa retenta, actio transfertur *l. ult. C. quand. fise. vel priv.* Sich. *in d. l. 3. C. de nov. n. 4.* Delegatus exceptione deleganti obstanti adversus eum, cui facta est delegatio, uti nequit *l. 12. de novat.* Cessus vero, salvas plenasque habet contra cessionarium, quas contra cedentem habuit *Ant. Fab. 12. conj. 9.*
Hillig.

Hillig. *in not. ad Don. lib. 16. c. 20. lit. N.* nec solum si interveniente mandato cessionarius agat ex persona cedentis, sed etiam si ex propria, Ant. Fab. 12. conj. 11.

VII. A Solutione.

Hac ita solvitur obligatio, ut nulla penitus remaneat, *pr. l. quib. mod. toll. obl. l. 107. de solut. cessione obligatio non extingvitur, sed transfertur, l. 36. l. 39. de fidejuss. l. 11. l. 21. C. eod.* Solutio fit à debitore ipso, vel ejus nomine ab alio: cessio à creditore. Solvi potest etiam invito, *l. 70. de solut. l. 9. C. eod.* Welenb. *in parat. de solut. num. 4.* cedi vero nequit.

VIII. Et à Nominis in solum Datione.

Differunt autem ut genus & species. Omnis nominis in solum datio est cessio, sed non e contra. Nam non saltem ex causa cedi potest onerosa, qualis est solutio, verum etiam lucrativa, puta donatione, legato.

IX. Distingvitur etiam à solutionis causa mandato actionis.

Quamvis hæc vocabula, **B** mandatum actionis,

nis, & cessio, sæpius confundantur à Dd. unumque pro alio accipiatur. Si tamen proprie & accurate loqui velimus, magnum inter illa est discrimen. Sich. *in l. 3. C. de novat.* Differunt autem nomine, aliud enim est cedere, aliud mandare actiones: & is cui ceditur, dicitur cessionarius; cui mandatur actio, mandatarius sive procurator in rem suam. In actionis mandato, ad hoc ut mandans à debitore, adversus quem competentes sibi actiones alteri mandavit, debitam quantitatem exigere nequeat, requiritur *in l. 3. C. de novat.* vel litis contestatio, vel denunciatio, vel partis ex debito perceptio, quo tamen casu jus mandatoris quoad residuum non esse extinctum opinatur Ant. Fab. *12. conj. 6.* in cessione sufficit ad inhibendam cedentis persecutionem, ut cessus de facta cessione à cessionario certior fiat *l. 4. C. que res pign.* In mandatarium nulla transit actio neque directæ neque utilis, sed tantum habet exercitium actionis directæ domino competentis, seu contentionem ex persona alterius bona fide sumit *l. 9. C. de procur.* in cessionarium transit actio utilis ex rescripto D. Pii *l. 16. de pact.* Mandatæ periculo sunt mandantis, arg. *l. 3. C. de novat.* dummodo procuratoris in rem suam constituti nulla culpa argui queat *l. 49. in fin. pr. sol.*

pr. sol. matr. Ant. Fab. 12. conj. 7. cessæ periculo cessionarii l. 96. §. 2. de solut. Ex quibus constat eorum sine confusione unum pro altero usurpari haud posse. Differre autem puto, ut speciem à specie, quæ sub mandare actiones tanquam suo genere comprehendantur. Mandare enim actiones in jure nostro sumitur & generaliter & specialiter; illo cessionem quoque comprehendit, imo sæpe pro ea usurpatur, ut in *l. 1. l. 14. l. 21. C. de fidejuss. l. 2. C. de donat. l. 53. de pecul.* isto cessioni opponitur, & ita reperitur in *l. 49. sol. matr. l. ult. C. quand. fidej. l. 3. C. de novat.* Hinc patet errare illos, qui ista voce vel plane confundunt; vel cedere actiones genus, mandare speciem constituunt.

X. Liqueat inde *L. 3. C. de novat.* non de cessæ aut in solum datum, sed solutionis causa mandata actione accipiendam esse.

Donellus licet *15. Comm. 43. Sich. & Giph. add. l. 3. priorem illius l. partem de cessione actionis, seu nomine in solum dato accipiant: de actione tamen potius solutionis causa adversus debitorem mandata, quam cessæ accipienda est.*

Evincunt hoc i. ipsa legis verba ibi : quamvis creditor tuo adversus eum solutionis causa mandaveris actiones. Jam vero differunt mandare solutionis causa contra debitores actiones, & cedere seu in solutum dare, ut *ib. preced.* Deinde necedens cessionarium praevenire queat, requiritur in hac *l. 3.* vel litis cum procuratore in rem suam contestatio, vel denunciatio vel partis debiti perceptio, quæ in cessione haud necessaria. Tertio requirit hoc casum in *d. l. 3.* propositorum oppositio ; in cuius ultima parte, quæ loquitur de delegatione debitoris, adstruit Imp. periculum actionis delegatæ ad delegantem non pertinere : Exinde dicendum non videtur priore legis casu secus rem se habere, ibique periculum mandantis esse, quod sane de cedente minime dicendum.

XI. Cessio est vel voluntaria vel necessaria.

Illa est, quæ nullo fit jure cogente, puta : cum venditur actio aut donatur, aut in solutum datur, de qua specie agitur in *l. 6. C. d. O. & A. l. ult. C. quant. l. 2. d. l. 22. & seq. C. mand. l. 3. l. 5. l. 7. cum seq. C. de her. vel act.* ista quæ fit à cedente necessitate juris coacta : qualis est, quando creditor

di tor fidejssori solventi sua jura cedit contra principalem aut confidejssores competentia, ut in *l. 13. l. 36. l. 39. l. 41. de fidejuss. l. 11. l. 21. Cod. eod. l. 76. de solut.* item pupillus tutori in solidum condemnato *l. 42. de adm. tut.* ubi Wesenb. in parat. n. 9. *V. jung. tb. 14.*

XII. Expressa vel Tacita.

In illa expressus consensus & voluntas contrahentium cedentis & cessionarii intervenit, qui actu quodam externo declaratur, puta: verbis, traditione instrumenti &c. In hac nullus ejusmodi actus accedit nec consensus verbis expressis adhibetur, tacite tamen intervenisse fingitur; ut cum debitor bonis cedens ejurat bonorum copiam, i. e. dat jussurandum, ~~se non esse solvendo.~~ Quo casu creditores non solum bona debitoris conquirere & vindicare possunt, sed etiam debitores sui debitoris convenire. *Nov. 135. §. jussurandum.*

XIII. Est etiam vel Conventionalis vel Judicialis.

Hæc fit coram iudice & in judicii loco, ista extra judicium. Nihil autem de Jure interest Ci-

vili five cessio fiat in iudicio, five extra iudicium, semper enim valida est, litum modo non foveat redemptionem. At Jus Elect. Saxon. hac repudiata illam solum agnoscit, uti videre est ex Edicto de an. 1614. §. Wie dann auch. & quidem nullo observato discrimine, actio five ad rem feudalem competat, five allodialem: mobilem five soli: quantitas debita, five maior sit five minor. d. §. Wie dann auch. cum 2. seqq. Exceptis mercatoribus, quos inter conventionalis etiam valida habetur, & quidem ob commerciorum favorem, si mercatori tamen cedat æque mercator, secus vero si mercator non mercatori, aut econtra, quibus casibus conventionalis irrita quoque est, dict. Ed. §. Und solches. Restrigitur autem illud ad cessionem voluntariam. Nam necessaria in iudicio ut fiat, necesse non est, cum fraus & dolus in iis intervenire non præsumatur d. §. Und solches. Quibus exceptis alias adeo de Jure Elect. Saxon. extrajudicialis seu conventionalis cessio non valet, ut etiam coram Notario & duobus aut tribus testibus facta invalida sit. d. Ed. §. Und ob wir uns.

XIV. Cedere possunt omnes, qui & alienare.

Dictum

Dictum supra cessionem esse vel voluntariam vel necessariam. Proinde videndum, quinam cedere possint vel cogantur. Cedere possunt omnes qui & alienare. Est enim cessio juris alicujus in alium translatio, proinde & alienatio. Nam qui aliquid ita transfert, ut sibi absit, alteri vero adsit, alienat *l. 69. de V. S. l. 1. C. de fund. dot.* Ideo cui administratio suarum rerum libera, vel alienatio est adempta, nec cedere potest, utpote pupillus, cui nullius rei alienatio concessa est sine tutoris auctoritate §. 2. *l. de aut. tut. l. 11. de A. R. D.* cessio est necessaria, nec enim tunc tutore non autore cedere debet, *l. 37. §. 1. ad SCt. Trebell.* Idem juris est infurioso *l. 1. §. 1. de O. & A. l. 5. de R. J. prodigo argum. l. 1. de cur. fur. l. 6. de V. O. l. 40. de R. J. minore curatorem habente, arg. l. 3. de in int. res.* Cedere item nequit tutor sine pupillo, nisi infans sit *d. l. 37. §. 1.* At quibus libera disponendi de bonis suis facultas competit, cedere quoque possunt, adeo ut & cessionarius actionem sibi cessam, quin alteri cedat, nil obstat Donell. *d. lib. 15. cap. 43.* Filio igitur familias cedendi potestas competit respectu honorum castrensium, vel quasi arg. *l. 7. C. de bon. qua lib.* In his enim vice patrum fam. funguntur *l. 2. ad SC. Maced. ut & adventitiorum, de quibus*

quibus plenariam habet dispositionem, arg. *l. 8. §. 5. C. de bon. que lib. Nov. 117. c. 1.* Reus quoque criminis ex oneroso titulo & causa cedere non prohibetur, arg. *l. 42. de solut.* excepto reo majestatis, *l. ult. C. ad L. Jul. Majest.* non vero ex lucrativo. Nam post contractum crimen capitale donationes factæ secuta condemnatione non valent *l. 15. de donat.* Banniti tamen in contumaciam ante condemnationem etiam lucrativa causa factam cessionem non revocari docet Alciat. *8. resp. 24. n. 8.* cum ex contumacia oriatur saltem ficta confessio, quæ præjudicat ipsi contumaci tantum non aliis habentibus causam antiquiorem. Coguntur cedere : creditor fidejussori solvendi omnes actiones, tam contra principalem quam confidejussores, *l. 17. l. 36. de fidej. l. 2. l. 11. l. 21. C. eod. H. Pist. p. 1. q. 48. n. 1. § 10.* licet non sint solvendo. Zang. *de except. p. 2. c. 16. n. 29.* Si vero tempore acceptæ pecuniæ à creditore nomen non cedatur, potest adversus eum præscriptis verbis agere, si pactum præcesserit Don. *ad l. 11. C. de fidejuss. n. 7. § 8.* Coler. *de process. exec. p. 1. c. 10. num. 367. § seqq.* nullo autem interveniente, ex emto ut quas habeat actiones præstet. Non enim in solum accepit creditor, sed quodammodo nomen creditoris vendidit

didit *d. l. 36. de fidejuss.* Col. *d. l. n. 375.* Hering. *de fidejuss. c. 28. n. 34. & seqq.* & ita in Dicafterio Wittenbergensi sæpius pronuntiatur esse asserit Zang. *d. l. n. 32.* Imo licet specialiter exceptioni cedendarum à fidejussore renunciaturum sit, nihilominus salvam ei esse ex einto actionem tradit Heig. *p. 1. q. 38. idque summa iur. æquitate dicit Zang. d. loc. n. 43. ubi & n. 34.* creditorem fidejussori solvendi cedere nolentem, id quod interest præstare teneri, asserit. Ceditur autem actio saltem quoad confidejussorum partes, non eam etiam portionem pro qua ipsemet propria obligatione obstrictus fuerat. Nam ejus quod quis proprium quodammodo debitum agnoscendo solvit, actio adversus alium cedenda non est. H. Pist. *d. loc. num. 6. & seq.* Teneatur tamen fidejussor, si beneficio divisionis renunciaverit, solidum restantis solvere, quod secus, si nulla ejus beneficii renunciatio facta. Col. *d. l. p. 2. c. 2. n. 16. & seq.* Heig. *p. 1. q. 38. n. 5.* H. Pist. *d. l. n. 15. & seqq.* vid. Hering. *d. l. c. 27. p. 3. n. 28. & seqq.* Item pupillus tutori condemnato in solidum & solvere parato *l. 42. de adm. tut. & ibi Wesl. in parat. n. 9. l. 1. §. 13. & §. 18. de tut. & rat. distr.* Creditor solvendi correo *l. 76. l. 95. §. 10. de solut.* Gædd. *de C. S. c. 9. n. 127. & seqq.* A. Fab. *12. conj. 13. aut mandatori.*

datori. *l. 28. mand.* Et his cessio vel in ipsa solutione, vel precedente saltem solutionis tempore pacto, fieri debet, A. Fab. *in Cod. lib. 8. tit. 26. def. 14.* alias si post intervallum actio cessa sit, nihil ea cessione actum, cum nulla actio superfuerit *d. l. 76. de solut. Zang. d. l. n. 35.* Quid si nulla præmissa cessione aut pacto solverit, pro virili nihilolecius cum correis utiliter agere poterit *l. 2. C. de duob. reis l. 1. §. 13. l. 20. de tut. Grat. distr. Giph. add. l. 2. Gœd. d. l. n. 135.* A. Fab. *in Cod. d. l. def. 1.* Heres legatario, quando videlicet testator non legavit actionem, quo casu utilis transfertur sine cessione *l. 18. C. de leg. Trentacinq. libr. 3. de solut. resol. 13.* sed ipsam rem debitam, tunc enim sine cessione utilem actionem non habet *l. 39. §. 3. de leg. 1. l. 13. §. 1. de leg. 2.*

XV. Non tamen sufficit consensus cedentis, sed etiam cessionarii accedere debet. Invito enim non ceditur.

Idque procedit sive exitulo oneroso, sive lucrativo cedatur. Nam sicuti creditori aliud pro alio invito solvi nequit *l. 2. §. 1. de R. C. l. 9. §. 3. de pign.*

pign. act. nec debitor potest cogere creditorem, ut nomen debitoris sui insolutum accipiat *l. 16. C. de solut.* excepto casu *Nov. 4. c. ult.* & inde desumitur *Auth. hoc nisi debitor C. d. t.* de quo vid. C. Rittersh. *p. 3. Nov. c. 3. n. 4. & seqq.* at consentienti recte aliud pro alio solvitur *pr. l. quib. mod. toll. obl. l. 46. pr. de sol. l. 17. C. cod.* ita nec invito beneficium datur *l. 69. l. 156. in fin. de R. J.* nec liberalitas nolenti acquiritur *l. 19. §. 2. de donat.* Non igitur potest cessio actionis fieri absenti, cum in ea consensus cessionarii requiratur, ut vult Rol. à Valle *vol. 1. conf. 19. n. 18.* Debitoris vero cessio consensus minime est necessarius, quia cessio nominis non exigit operam debitoris, cum res solum inter cedentem & cessionarium geratur, nec novam obligationem debitor suscipiat, sed ~~actio~~ *actio* ~~vetus~~ *vetus* cedatur, quæ fuit cedentis. Proinde & ignorante vel invito etiam debitore cessio facta valet, *l. 1. C. de novat. l. 3. C. de her. vel act. vend. l. 2. C. de donat.* Don. 15. *Comm. 43. VVel. in paratit. de novat. in fin.* Nil autem refert, siue cessio conventionalis puta, interdiu fiat, siue noctu. Nullum enim tempus sanæ mentis majoris 25. annis consensum repudiat *l. 17. in fin. C. de transact.* At judicialis interdiu fieri debet, cum magistratus vespertinis temporibus

aut noctu in publico esse, aut jus dicere inconve-
niens sit *l. 2. §. 31. de O. l. Nov. 82. c. 3. c. 24. de off. &
pot. deleg.*

XVI. Cedi potest cuicunque recte solvitur aut donatur.

Cui enim recte solvitur, eidem volenti no-
men quoque in solutum datur : & cui recte
non solvitur eidem nec ceditur. Cedi igitur
nequit furioso, arg. *l. 5. de Reg. Jur.* pupillo sine
tutoris, *l. 15. de solut.* adoleiscenti sine curatoris
autoritate, *l. 2. C. si adv. sol. & præcedente sententia
judicis, l. 25. C. de admin. tut.* Porro cui recte do-
natur eidem quoque ex lucrativo titulo ceditur, &
econtra ubi donatio est prohibita, ibi & cessio, arg.
l. 11. C. de donat. Proinde non valebit cessio à pa-
tre facta filio in sacris familiæ constituto, *l. 1. §. 1.
pro donat. d. l. 11. l. 17. C. de donat. l. 25. C. de donat.
int. vir.* nemo enim ipse sibi potest donare. Gail.
2. obs. 38. V. A. Fab. 40. er. 3. item facta inter conju-
ges, inter quos constante matrimonio simplex do-
natio prohibita est. *l. 1. & l. 1. D. & C. de don. inter
vir.* Morte tamen donatoris confirmatur. *l. 24.
& seq. C. d. l. c. ult. extr. eod.* Idque adeò verum,
ut jure novissimo valeat donatio etiamsi maritus
re. n uxori donatam pignori opposuerit, vel hypo-
thecz

thece supposuerit *Nov. 162. c. 1. Rittershul. p. 5. Novel. c. 12. n. 6.* quod lecus erat de jure. *Cod. l. 12. C. de donat. int. vir.* Non vero jurejurando jure Civil. *l. 5. C. de LL.* sed num contrarium obtineat de jure Can. *V. Rozbach. comp. jur. civ. & can. lib. 2. c. 3. Rittershul. diff. jur. civ. & can. lib. 3. c. 17.* Porro quamvis de jure Civili indistincte laicis & clericis cedi queat, de jure tamen Can. cessio facta à laico clerico irrita est *c. fin. de al. jud. mut. Rol. à Valle vol. 2. conf. 38. n. 21. & 27. Rittersh. d. l. lib. 7. cap. 5.* Nam cessio facta in clericum dicitur facta in potentio-
 rem *gl. in d. c. fin. Mascard. de probat. vol. 1. concl. 558. n. 20. ubi n. seq. comm. Dd. tenere tradit,* id non in quovis clerico, sed in Episcopis & clericis jurisdictionem habentibus, qui potentiores dicantur, procedere: quod generaliter *d. c. fin.* congruum haud videtur.

XVII. Possunt regulariter cedi quævis actiones personales & reales; civiles & criminales.

Dictum de personis, lequitur de rebus cessibilibus; quæ sunt actiones sive personales sive reales. Omnium enim actionum, quæ sub vocula in rem quoque actiones veniunt *l. 178. §. 2. de V. S.*

l. ult. C. de her. vel act. venditio est & translatio l. 3. l. 7. l. 8. l. ult. C. cod. Tiraq. de retr. lign. §. 26. gl. 3. in verb. du conventionel. n. 2. Don. d. c. 43. lib. 15. Decis. Rotæ tit. de al. jud. mut. decis. 2. in nov. sive ex contractu vel quasi delicto vel quasi oriantur ; pura sive conditionalis, etiam si in spe duntaxat consistit. Cedit idcirco potest spes l. 3. C. de donat. Br. in l. ult. de admin. tut. nomen debitoris l. 3. l. 8. de her. vel act. l. 1. C. de novat. l. 2. C. de don. quamvis debitum conditionale, l. 17. l. 19. de her. vel act. aut executionem habeat paratam, Tiraq. d. l. n. 15. ubi sicuti ad petitionem creditoris executio mandatur, ita & ad cessionarii instantiam. Moll. 2. sem. 20. n. 1. ut tamen constet prius de cessione. Boër. decis. 10. n. 1. §. 2. conditio furtiva, l. 38. §. 1. de solut. l. 80. §. 5. de furt. actio furti, l. 14. pr. eod. restitutio in integrum, l. 24. pr. de minor. l. 25. de admin. tut. Tiraq. d. loc. num. 13. retractus conventionalis, Tiraq. ibid. n. 42. nisi pactum intervenerit, ne liceat venditori jus retrahendi alteri cedere : hereditas t. i. D. & C. de her. vel act. vend. hypotheca & tam rerum allodialium quam feudalium. In harum tamen hypothecæ cessione de Jure Elect. Saxon. novus domini consensus adhiberi debet. d. Ed. de ann. 1614. §. Und obvol. Cessa autem actione perlo-

personalis intelligitur etiam cessa hypothecaria l. 6. ubi Dd. *C. de O. & A.* quia est ad personalem accessoria. l. 5. *de pign.* Boër. *decis.* 325. n. 1. Item interdictum, puta: retinendæ possessionis, Fab. in §. *retinenda l. de interd.* Tiraqu. *d. l. n.* 17. recuperandæ, seu unde vi, l. 16. §. 4. *de ber. pet.* remedium can. redintegrandæ. 3. qu. 1. Ripa in *c. sape de restit. spol.* Socin. in l. 15. *de acqu. poss.* Sed verius illud non esse novum, sed vetus unde vi, idque in *d. c. redintegrandæ.* intelligendum esse docet Giph. in *proleg. lib. 8. Cod.*

XVIII. Cessibiles non sunt, quæcunque aut alienari nequeunt, aut transmitti.

Quamvis suarum quisque rerum sit moderator atque arbiter l. 21. *C. mand.* & proinde eas alienare, ac in alios transferre queat. Eatenus tamen id obtinet, quatenus juris ordo legumque præcepta non contemnuntur aut negliguntur Bl. ad l. 2. in 2. *lect. de his qui sunt sui.* Quarum ergo actionum alienatio vel à Legibus est interdicta, vel alienationis prohibitio Legum præsidio adjuncta, earum cessio invalida est. Sic quoque non sunt cessibiles, quæ

quæ non sunt transmissibiles, *l. 42. ubi Br. Dyn. Goth. de admin. tut. Tiraq. de retr. lign. §. 26. gl. 1. num. 47.* quamvis è diverso non omne quod transmissibile est ad heredes, continuo sit cessibile. Alex. & Jason. *in l. 76. de V. O.* Nam actiones directæ transmittuntur ad heredes, cedi tamen nequeunt. Sic fideicommissum universale licet ad fideicommissarii heredes transmittatur, *l. 16. §. 9. ad SC. Trebell.* tamen non est cessibile. *l. 59. §. 1. de jur. dotium.* Non igitur cedi possunt actiones, quæ non sunt in rerum natura, arg. *§. 1. Inst. de inut. stip. l. 57. cum seq. de contr. emt. l. 69. de V. O.* si nec esse possunt: Actiones item in iudicium deductæ. *l. 2. cum seq. C. de litig.* Nam actio litigiosa, sicut & alia quævis res, nullo titulo alienari potest *l. ult. d. tit.* Fit autem litigiosa per citationem. *Nov. 112. c. 1. Auth. litigiosa C. eod.* Interest tamen inter in ultima voluntate factam cessionem & quæ fit contractu: illo casu æstimatio litis præstanda est, quibus actiones vel res litigiosæ relictæ sunt, *l. 3. C. d. t. de litig.* isto cessio est nulla, & si facta potentiori, nec cedens agere potest, *l. 1. C. ne lic. pot. Moll. §. sem. diff. 68.* Jus seu privilegium quod vocant prælationis, quod mulier in dote habet, quo creditoribus ferme omnibus hypothecarius quoque, etiam expressam an-

terio.

teriozem habentibus, præfertur, *l. 12. C. qui pot. l. 29. cum seq. C. de jur. dot. Nov. 97. c. 3. Nov. 109. c. 1.* Schneid. in §. fuerat. *Inst. de act. n. 70.* jus optionis seu electionis consuetudine Sax. viduæ, competens, *Moll. 1. sem. 24. actiones populares, l. pen. de popul. act. retractus proximitatis, Luc. de Penn. in l. ult. in verb. permutationes, C. de prad. curial. lib. 12.* Tiraqu. *d. gl. 1. n. 1. Cor. 3. misc. c. 3. n. 7. & seq.* nisi ob famis necessitatem, si non inveniatur non extraneus ut existimat Tiraqu. *d. l. n. 16. & seqq.* Idem juris putamus in jure, quod mores Saxon. inter rusticos præsertim filio natu minori tribuunt, vulgo *Rur-Gerechtigkeit.*

XIX. Iustus præterea in cessione titulus & causa subesse debet.

In omni sicuti acquisitione iustus titulus subesse debet, ita & in cessione, ut utiles transferantur actiones iustum titulum intervenire necesse est. *Don. 15. comm. 43. Giph. ad d. l. 22. & seq. C. mand. cumque cessionarius docere tenetur Moll. 2. sem. 2. n. 1. Spec. 2. p. 1. tit. de cess. act. §. 1. n. 1. & seq. Berlich. p. 1. concl. 55. n. 45.* Sine iusta vero causa cession non valet, *Br. in d. l. 22. C. mand.* nec superveniens titulus post cessionem factam quicquam prodest,

prodest, Bald. *in l. 2. col. 2. v. 3. C. ne lic. pot.* Moll. *d. l. n. 2.* Berlich. *d. l. n. 46.* Justus autem titulus est, puta: soluti, quando debitor in solutum sui debitoris nomen creditori suo dat, *l. 6. C. de obl. & act. l. ult. C. quand. fise. l. 22. C. mand. Legati, d. l. 22. l. 18. C. de legat. l. 39. §. 3. de leg. 1.* Pignoris, *l. 4. C. que res pign. Dotis, l. 2. C. de O. & A. l. 41. §. 3. de jur. dot. & arg. l. 49. sol. matr. Donati, l. 2. l. 33. C. de donat.* Debet autem donatio esse pura, i. e. actionem non debere cedi partim gratis, partim pretio, seu partim titulo emtionis data parte pretii, partim titulo donationis colorata. *l. 23. C. mand. Emt-venditi, d. l. 22. & seq. t. t. C. de ber. vel act.* Quanquam Interpp. existimant actionum venditionem regulariter prohibitam, sicque venditionis causam exceptam esse, quos sequitur Don. *d. c. 43. ob d. l. 22. & seq.* Minus tamen id juri ejusque rationi consentaneum, & proinde justam cessionis causam emt-venditionem asserimus per *l. 4. l. 6. l. 14. de ber. vel act. l. 3. l. 7. cum seq. C. cod. l. 33. C. de donat. & arg. d. l. 22. C. mand.*

XX. In L. igitur 22. C. mand.
non omnes actionum venditiones
pro-

prohibitæ sunt, sed ea duntaxat,
quæ redemptiones litium foveant.

De sententia *l. 22. C. mand.* Interpp. non conveniunt. *Sich. in d. l. 22. n. 3.* accipit illam de cessione simulata, eamque ibid. prohibitam opinatur. Verum in tota lege ne unum argumentum de simulatione. *Donell. d. c. 43.* omnem actionum venditionem per illam constitutionem prohibitam arbitratur, eo quod cessiones actionum quæ sunt titulo emt-venditionis sint quædam redemptiones litium, quas odiosas esse constet. Sed nec hoc placeat. Nam quanquam redemptiones litium, quas *Quintil. pactiones vocat piraticas, lib. 12. cap. 7. in fin.* odiosæ sunt, ~~haud tamen omnes actionum venditiones esse litium redemptiones asserendum.~~ Quocirca prohibitionem *d. l. 22.* non de quavis actionum venditione, sed quæ in litium cadit redemptionem, qua redemptor id laborat, ut in se lis transferatur, accipiendam putamus, exclusis actionibus & obligationibus indubitatis cum *A Fab. 12. conj. 12. Giph. ad d. l. 22. in fin.* Idque ipsa in lege innuitur, quando *Imp. dicit* cum certum sit pro indubitatis obligationibus &c. Item: nec enim dubium est redemptores litium alienarum videri eos esse,

P 2

qui

qui tales &c. quo vocabulo qualitatem innuente non omnes generaliter actionum venditiones includuntur, sed quibus qualitas illa inest, quam in præced. indubitatis obligationibus opposuit. Eadem extat prohibitio in *Nov. 17. c. 13.* ubi Imperator præcipit: ne fiant Præsides Provinciæ, ut alius aliorum vitas in se suscipiat, i. e. ne fiant redemptiones litium. Rittersh. *9. Novell. c. 8. num. 5.* Ratio prohibitionis non est exiguitas pretii, alias omnium actionum venditio etiam indubitatarum esset inhibita, sed redemptio litium, quæ est contra bonos mores, *l. 15. C. de procur. Don. ad l. 22. num. 11.* Ita tamen in hac lege redemptiones istæ alterius vendendi gratia extortæ restringuntur, non ut omnino improbentur, sed ut eatenus probentur, quatenus abest emptori. *d. l. 22. cum seq.* Excipiuntur autem ibidem quatuor casus, quibus cessio actionis etiam non indubitatæ sub titulo venditionis facta in solidum valet. Prima exceptio fit causa divisionis actionum hereditariarum inter coheredes, cuiusmodi cessio interdum necessaria est, ut uni coheredum aliquod nomen in solidum adjudicetur. *l. 3. fam. ercisc.* 2. Causa solutionis, si debitor creditori suo nomen sive actionem det in solutum. *d. l. 6. C. de O. & A. l. ult. C. quand. fisc.* 3. Si rem alienam

enam possidenti pro illius rei possessionis tuitionē
nomen aliquod cedatur. 4. Valet inter plures e-
jusdem debiti legatarios aut hereditatis fideicom-
missarios.

**XXI. Cessi nominis pericu-
lum indistincte ad cessionarium,
dummodo cedens dolo aut culpa
careat, pertinet.**

L. 96. §. 2. de solut. A. Fab. 12. conj. 7. quod se-
cus est in actionibus solutionis causa mandatis,
quo casu non periculo sunt mandatarii, sed man-
dantis, idque haud obscure innuitur in *l. 3. C. de
novat.* Excipitur autem maritus cui dotis causa
nomen cessum est, ad quem periculum ~~non perti-~~
net, sed ad cedentem sive mulierem. *l. 41. §. 3. de jur.
dot. Cachet. dec. 62. n. 12.* Sicut enim maritum
cum damno uxoris lucrari bono & æquo non con-
venit, ita nec mulier per mariti damnum lucrum
sentire debet *l. 6. §. ult. eod.* Indemnis igitur ma-
ritus est præstandus, & sicut inde nullum sentit lu-
crum, ita quoque nec damno afficiendus *l. 16. eod.*
Idem obtinet, si uxor marito actionem dotis saltem
causa mandaverit. Nam & hoc casu maritus, si

sine dolo & culpa pecuniam exigere nequiverit, dos autem petatur, non est compellendus illam summam, quæ in instrumento continetur refundere, *l. 49. fol. matr. quam l. A. Fab. 12. conject. 8. male accipit de nominis cessione.*

XXII. Effectus hujus actionum cessionis est, ut cessionarius suo nomine utiliter agere queat.

Cessa actione quamvis cedens directam retineat *l. 3. C. mand. uti & solutionis causa mandans, l. 3. C. de novat.* directæ enim actiones transferri nequeunt; Uti tamen cessionario sua persona sueque nomine competit *l. 16. de pact. l. 2. C. de O. & A. d. l. ult. C. quand. fisc. l. 5. l. 7. cum seqq. C. de her. vel act.* quam vel instituire, sicque debitum exigere, vel remittere etiam pacto, sicque debitorem cessum liberare *l. 16. pr. de pact.* Potest autem cessionarius utilibus agens nihil amplius petere, quam quod reipsa debetur, privilegio vero personæ cedentis ullo uti nequit. Quod aliter se habet in eo qui experitur mandatis actionibus, is enim eo jure utitur, quo is cujus persona fungitur, *l. 5. C. de her. vel act. Don. d. c. 43. ubi exemplo declarat. Nec tamen*

tamen nocet cessionario cedentis confessio, si videlicet post cessionem factam confiteatur nullum jus habere in debitore cesso, secundum Rol. à Valle *vol. 2. conf. 85. n. 9.* Non vero cessionario, mandato non interveniente, competit exercitium directæ ex persona cedentis *d. l. ult. C. quand. fisc.* ibi: non aliter nisi mandatis actionibus ex persona sui debitoris &c. *l. 18. C. de legat.* ibi: actionibus non mandatis, directas quidem legatarius habere non potest.

XXIII. Exceptiones tamen in rem, cedenti obstantes, obstant similiter cessionario.

Transfertur enim jus ita, uti ~~cedens~~ habuit, proinde & cum suo onere. Nam nemo plus juris in alium transferre potest quam ipse haberet *l. 54. de R. J.* Omnes igitur in rem exceptiones, quibus cedens repelli potuit, obijci quoque possunt cessionario, ut exceptio rei judicatæ, jurisjurandi, &c. etiam compensationis A. Fab. *12. conj. 9.* Tesauro. *decis. 22.* In personam vero exceptio tum demum ei obstat, si causam habeat lucrativam, non si onerosam. *l. 14. §. 28. Et seq. §. 31. l. 5. §. 5. de dol. mal.*

mal. except. Hæc procedunt si cessionarius utilibus actionibus jus suum persequatur, secus si mandato interveniente in rem suam procurator constitutus ex mandantis persona experiat, ubi non saltem in rem exceptiones ei obstabunt, sed etiam in personam. Nam qui ex alterius agit persona, easdem pati exceptiones necesse habet. Unde Banni exceptio, qua alias cessionarius utilibus actionibus jus sibi cessum persequens, lucrativam licet habeat causam, repelli nequit, si ex cedentis persona agat, eidem nocet. *Br. add. §. 28.*

XXIV. Potest & cedens ipse re adhuc integra adversus debitorem cessum experiri, aut cum eo transigere.

Nam non omnis simul actio ab eo, qui cedit etiam discedit, sed in alium nomina transferens, vel venditione, donatione, aut alia quavis de causa post illam translationem seu cessionem directas actiones nihilominus retinet, *l. 3. C. mand.* ut & mandans. *l. 3. C. de novat.* Unde etiam adversus debitorem cessum re integra experiri, licque debitum exigere potest, *d. l. 3. C. mand. arg. l. 16. pr. de pact,*

pacif. cum reo item cessionem ignorante transigere aut pacisci. l. ult. de transact. Desinit autem in cessione res integra esse, si novus creditor cessum factæ cessionis certiorer. *l. 4. C. quæ res pign.* Non autem sufficit etsi debitor cessionem aliunde cognoverit, cum expresse requiratur in *d. l. 4.* quod cessus à cessionario ipso certiorandus sit A. Fab. *d. lib. 12. c. 3.* Cæterum uterque ubi experiatur & cessionarius & cedens, illum præferendum autumo. Utiles enim actiones habens rite eas intendit, quamvis dominus litem simul moveat *l. 55. de procur.* Sich. *ad l. 3. C. de novat.* Don. *d. cap. 43.* Curt. *3. conj. 3.*

XXV. ~~Cessio denique non præsumitur, sed à cessionario probanda est.~~

Quæ enim facti sunt, qualis cessio, non præsumuntur, nisi probentur, *l. 10. C. de non- num. pec. l. 16. C. de probat.* & quodlibet accidens in eodem quo semel fuit, statu præsumitur persistere, nisi contra probetur mutatio. *l. 3. l. 21. de probat.* Probare autem tenetur vel per instrumentum cessionis. Nam non sufficit, si quis adversus debitorem

E

expe-

experiatur, ut instrumentum saltem cautionis edat, idque sibi à creditore cessum traditumque dicat Moll. 2. *sem. 20. n. 3.* Imo tenetur cessionarius cessionis instrumentum ante litem edere contestatam, ne processus reddatur nullus, uti volunt Dec. *conf. 303. col. 1. & conf. 536. col. 1.* Cacher. *decif. 58. n. 3.* Vel per testes arg. *l. 15. C. de fid. instrum.* eadem enim instrumentorum & testium est autoritas. Qui vero testes esse possint vel non. Vid. Wesl. *in parat. de testib.* Don. 25. *com. 9. & 3. seqq.* Si autem senriplene duntaxat cessio probata ex traditis Dd. juramentum in supplementum deferri poterit. Rectius vero hoc juramentum utpote jure civili incognitum refellunt Duar. 2. *disp. 33.* Don. 24. *comm. 19.* A Fab. 19. *er. 1.* Fidejussorem tamen ad probandam cessionem adeo præcise non cogendum esse æquius videtur, sed hoc casu tabulas cautionis vel debiti sufficere, sicque pro eo præsumi, donec contrarium ab adversa parte probetur. Nam & alias contra debitorem ipsum agere potest. Coronidis loco de cedente tenendum, eum in causa principali cessionarii, altera parte invita testem esse nequire, arg. *l. 10. de testib. l. 10. C. eod.* Mascard. *de probat. vol. 3. concl. 1357. num. 18. & 22.* etiam si de evictione non teneatur, ut tradunt Bald. & Salic.

sic. in dict. L. 10. C. de testib. imo nec ejus filii. Specul. tit. de testib. §. 1.



C O R O L L A R I A.

I. Vicarii Imperii Electores Palatinus & Saxo de feudis regalibus, *Sahnen-Lehen*, cognoscere & judicare possunt.

II. Civitates Imperiales liberae habent jura territorialia.

III. Juramentum retrahitur, quoties ex sola instrumenti editione apertissime liquet de perjurio.

IV. Judex ordinarius de Jure Civili recusari nequit.

V. Feudum absque consensu domini hypothecari nequit.

E 2

VI.

VI. Ususfructus feudi patri regulariter acquiritur.

*Folgende zu vorstehender Materie sich schickenden
Dissertationes, welche ebenfalls in der Hel-
lerischen Buchdruckerey zu bekommen sind,
hat man noch hieher zu setzen nöthig gehalten.*

Bergeri de cessione privilegii fiscalis.

Hoffmanni de cessionibus judicialibus & extra-
judicialibus earumque differentiis.

Heineccii de mercatorum, qui foro cesserunt,
rationibus & codicibus,

Joachimi de cessione beneficii competentis &
alimentorum exinde provenientium.

Mollenbecii de abusu cessionis bonorum.

Wernheri de invaliditate dispositionis inter vi-
vos uxoris, circa res geradicas, neglecto mariti
consensu.

Schroeteri de impossibili in contractibus.

Merckelii de concursu ac praelatione creditor.

Sommeri de fidejussoribus beneficio ordinis
non gaudentibus,

Struvii de simulatis contractibus.

Strauchii de confusione obligationum.

SOLI DEO GLORIA,